

EDISANA NDISANA EBIEET: UDUQK-MMQÑ EDISANA SPIRIT
Exodus 26:31-34; 37:1-9; 40:20, 21, 34-38; Leviticus 16:2; Utom Mme Apostle 2:14; Mme Hebrew
9:6-8; 10:19-22
QYQHQ UKPEP-ÑKPQ 74

Eke Ikpọ Owo

IKO IBUOT: “Eyak nnyin isaña ikpere ye esit akpanikọ ke oyohọ mbuotidem, ye esit eke esimede esio ifiok idiok-ñkpọ efep” (Mme Hebrew 10:22)

I “Ata Edisana Ebiet,” Ke Ataya

1. Ikpehe oro ekedi ubahade ke ufot Edisana Ebiet ye Ata Edisana Ebiet, Exodus 26:31-33
2. Ekenim Ekebe Ediomi oro ke Ata Edisana Ebiet, Exodus 37:1-5; 40:20, 21
3. Itie Usio-isop oro, osqñ-idem usan gold, ekedi ufuk-ñkpọ onọ Ekebe Ediomi oro, Exodus 26:34; 37:6
4. Cherubim iba ema edu ke enyqñ ekui itie Usio-isop, Exodus 37:7-9
5. Ema esio kpukpru uñwana eke otode obot ye uñwana eke owo anamde efep ke Ata Edisana Ebiet, 1 Ndidem 8:12; Eriyarare 21:23; 22:5
6. Unyime Abasi ama owut idem ke obubit enyqñ, ye ubqñ Esie ke esit Ataya, Exodus 40:34-38; 25:22; Numbers 7:89; Leviticus 9:22-24; Psalm 99:1; Isaiah 37:16
7. Abasi ama qdohọ Moses onọ Aaron ntqt abaña ñkpọ-ndik ke ndiduk Ata Edisana Ebiet ibohọke nte eketemede, Leviticus 16:2

II “Ata Edisana Ebiet” Eke Ini Emana Mme Anditiene-Christ

8. Ata Edisana Ebiet, me Edisana Ndisana Ebiet, okowut eñwoñq edinọ Edisana Spirit, edi ikonohọ ke ini utom ibet, Mme Hebrew 9:1-9
9. Mmọ emi enamde esana kpqt ke enyene ndinọ obufa enọ oro Ata Edisana Ebiet akadade onọ, ndien utibe enọ Edisana Spirit emi enyene nnyin mfin, Mme Hebrew 10:14-19, 22
10. Ekeberede usuñ ndiduk Ata Edisana Ebiet eke Spirit enim, ebe ke mkpa Christ, Mme Hebrew 10:20-22; Matthew 27:50, 51
11. Christ ama qñwoñq Iberedem onyuñ qbqñ akam onọ ikqt Esie ete enam mmọ esana, ndien mmọ ema ekeme ndibọ oyohọ enọ ita emi, John 14:16-18, 26; 16:7-14; 17:6, 16-23
12. Akpa ediñwaña akwa uduqk-mmqñ Edisana Spirit ye ikañ nnọ ama anam eñwoñq Jesus osu, Utom Mme Apostle 1:4, 5, 8; 2:1-4
13. Mme ediñwaña uduqk-mmqñ Edisana Spirit emi eketienede akpa eñwoñq, eyarade ewut ete ke enọ emi enyene kpukpru mmọ emi eyomde enye, isioho nnyin emi idude ke mme ukperedem usen ifep, Joel 2:21-32; Utom Mme Apostle 2:16-21; 8:17; 10:44-46; 15:8; 19:6; 1 Nwede Corinth 12:13; 1 John 2:20

SE EKPEPDE EBAÑA

Abasi Ada Ikqt Esie Usuñ

Ekeme nditie ye owo emi adarade ke qbode akpa enọ mfqn erifak Abasi, nte ke Heaven ke idemesie ama osuhode etiene enye, me nte odudu mkpa me hell baba kiet mikemeke ndinyeñe mbuotidem esie, me nditop eyighe nsin ke ima esie. Edi owo ke uduot obot esie idighe baba ñkpọ kiet ibohọke ubuene, mmem-mmem eyen emi otode ntqñ. Enye oyom uyo emi otode Heaven, uyo Edisana Spirit ndida enye usuñ nsqk Abasi; enye ñko enyene ndikop uyo oro kpukpru ini man ada enye usuñ ke ndikpono Abasi ke akpanikọ.

Edohọ ete, owo, ke obot esie, enyene udqñ ndikpono ñkpọ. Edi ana nte Abasi ada owo usuñ; ana nte ewut enye se idide edikpono Abasi ke akpanikọ, midighe ntre enye eyewaha qkpqñ usuñ. Abasi ama ofiok nda-mmana ido emi ke owo, ndien ke ndiñwam mmọ emi ewqñqrede esit mmọ ewut Heaven, Enye ama onim uduak erifak man oto do ekeme ndinyaña owo nsio ke mme idiok-ñkpọ esie, eyet enye asana ke nda-mmana idiok uwem; ndien ke akpatre, eyqhq enye ye odudu ndinam utom ebe ke akwa uduqk-mmqñ Edisana Spirit ye ikañ.

Mme Edifop Uwa Ye Se Mmọ Edade Enọ

Edifop uwa ndudue ekedi man edidahado ke mme idiok-ñkpọ emi ekekoidekoi enam ye mmọ emi ekenamde oto ke ndisin me unana ntiñ-enyin ke ndikpeme kpukpru uduak Abasi emi ema ekeyararede.

Idiok owo emi ema ekafen enọ, ama enyene ukeme ndien ndida edifop uwa ye enọ inuak-udia ndi, man ada ayak idemesie onọ Abasi nte enye okokopde udqñ ndineñere nsaña ñkpere Abasi. Enye ñko ama enyene ndida uwa emem esie ndi man ada osqñq ntqtuñq ebuana ye Heaven. Edi ke kpukpru emi ana nte enye osuk adian uwa efen. Ko ke esit esie enye ama enyene nda-mmana idiok-ñkpọ emi okoyomde ediduok iyip ndibiat enye mfep. Ekenq

uwa idiok-ido ndiñwam owo ndisaña ñkpere Abasi ke ini enye oyomde akwa eno mfon oyohọ iba, edinam-asana ofuri-ofuri.

Nnyin imokut nte mme ikpehe ke erituak-ibuot ke Ataya ekedade eno mme eno mfon emi ye nte iyip mme nsio-nsio unam ekewutde “iyip emi miduehe isop” emi akanade nte eduok ke edikem ini Abasi. Nnyin imokut ite ke ediduok iyip ekedi ata akpan ñkpọ ke kpukpru nsio-nsio uwa emi ekewade eno idiok-ñkpọ ye mme edibiat ibet. Nnyin imokut nte ekedoride iyip oro ke itie-uwa okpoho ndusuk ini, ndien ndikpep ñka iso owut nnyin nte ekesinamde usio-isop ebe ke ndisime ndusuk iyip oro ke iso Oboñ. Ndien nnyin ima ikut nte akanade nte eda iyip mme uwa efen esime ke Edisana Ebiet, mbemiso ikpehe ke idemesie, enyuñ edori ndusuk esie ke mme nnuk itie-uwa gold. Nnyin imokut ite ke itie ndomo kiet iduhe ke erituak-ibuot oro emi iyip mikedighe ata akpan ñkpọ. Ndien ke idem Ata Edisana Ebiet, ama odot nte esime iyip oro nte ñkpọ-eriti ono mme owo, ete ke ñkukure idorenyin edinyaña mmọ nsio ke mme ubierikpe Abasi okodu, onyuñ ebe ke iyip emi ekeduokde ke ibuot mmọ. Kpukpru mbiet ñkpọ ke erituak-ibuot ke Ataya ekewut Uwa emi edidide emi edide Jesus Christ, Enye Eyetde Aran.

Ebiet-iduñ Abasi

Ekebahare Ataya ke idemesie esin ke ikpehe iba. Ikpehe ama eyire ndibahare Ata Edisana ye Edisana Ebiet man ofuk oku, emi okodukde ke Edisana Ebiet ndinam utom esie ke usen ke usen man oboho iso Abasi emi asakde nte ikañ ese Ekebe Ediomini emi okodude ke Ata Edisana Ebiet. Ekebe Ediomini, ye okukip esie emi ekekotde Ñkpọ-itie Mbom ye mme cherubim, emi ekedade gold enam, ekenyuñ edade ke utit esie kiet-kiet, ekedi ñkukure ñkpọ emi okodude ke Ata Edisana Ebiet. Enye ekedi akpan ñkpọ ke ukpono Abasi Israel. Ke ini iso Abasi akayararede idem, mmọ ema efiok ete ke Enye ama odu do nte Ada-usuñ, Andiwut, ye Andikpeme.

Ñkukure ini emi owo ekededi okodukde Ata Edisana Ebiet, ke mibohoke ke ini emi ekenyenede ndimenere Ataya ñka ebiet efen, ekedi ke usen usio-isop. Ke usen emi, akwa oku ama oduk ubet oro onyuñ ofop incense onyuñ awa iyip ke ntak mme idiok-ñkpọ mme owo nte idiño Usio-isop Christ emi kpukpru ñkpọ edukde edño (Leviticus 16:12, 14; Mme Hebrew 9:7; 10:19, 20). Emi ikemenke se owo kiet-kiet emi akanamde idiok ekenyenede ndinam ifep. Owo oro ekenyene ndida uwa ndudue ndi man osio-isop ke idemesie ono mme idiok-ñkpọ esie.

Uñwana eke otode obot me eke otode owo ikoduhe ke Ata Edisana Ebiet. Uboñ emi okotode Iso Abasi ke ufot mme Cherubim ekedi uñwana do, kpa nte etiñde ebaña obufa Jerusalem: “Obio inyuñ iyomke utin ye ofiño ndiyama nno enye; koro Uboñ Abasi anamde enye añaña, Eyen-eron onyuñ edide utuenikañ esie” (Eriyarare 21:23). **Shekinah** okodu ndiyarade ñwut Moses ye Akwa oku nte ke Abasi odu ke Ataya, koro Moses ñko ekedi kiet ke otu mme oku Abasi (Psalm 99:6).

Uboñ Abasi ekedi ata okposon ke Ataya, ke akpa ini emi ekewukde enye, tutu Moses ke idemesie ikekemeke ndiduk (Exodus 40:35). Moses ama etiñ ikọ nte ufan ye ufan ye Abasi, ndusuk akan owo efen ekededi emi akananam oduñde ke ison. Enye ama okut iso Abasi nte ayararede ke ñworo-nda usuñ ke Obot Sinai ke ini kpukpru Nditọ Israel, ke esiode ibat-ibat emi eketienede enye edok obot oro, ekefehede efiak. Enye ama ada ke iso ikañ emi akasakde mikataha eto onyuñ okop uyo Abasi oworo ke ikañ oro. Edi etiñ eno nnyin ete ke Abasi ama ayarade Idemesie ke akamba idaha emi okokponde akan ke Ataya, ke ini ekeyakde enye eno Abasi, tutu Moses ke idemesie ikekemeke ndiduk.

Ekebe Ediomini, Ñkpọ-itie Mbom, Ye Mme Cherubim

Ekebe ediomini ekedi utibe ke idemesie. Ekeda edimek eto ebop, eda gold eduok ekanade, akana nte eda enye edon nsio-nsio ndisana ñkpọ-uto nte Abasi eketemedede. Akpan utom esie ekedi ndikama itiat ñwed emi ekewetde Mbet Abasi esin.

Nnyin imetiñ ibaña Ñkpọ-itie Mbom nte okukip ono Ekebe Ediomini. Ekeda ata gold enam enye. Ke mme utit esie, ema enim cherubim, mme mbiet ñkpọ emi ekenamde eto ata gold, emi iso mmọ ekesede kiet eken, enyuñ ese ñkañ ison emi mme itiat ñwed Mbet ekedude ke Ekebe Ediomini. Edohọ ete ke ifiok utom-uso emi ekenyenede ndida nnam mbiet ñkpọ iba emi nsio ke gold emi osonde, mbe ke utom edimia ukwak, edi ñkpọ mkpaidem emi ibat-ibat, edieke odude, mme anam utom-uso eyo mfin ekemedede ndinyene.

Christ, Ñkpọ-itie Mbom

Edohọ nnyin ke Ikọ Abasi (Ñwed Mbon Rome 3:24, 25) ete ke etebe nnyin ikpe ebe ke erifak emi odude ke Christ emi Abasi okosiode onim nditie ubiñ nno nnyin. Mme ekpep-ñwed Greek edohọ nnyin ete ke se ikọ emi, **ubiñ**, oworo ede **Ñkpọ-itie Mbom**. Se Ñkpọ-itie Mbom ke Ataya akadade ono edi inwañ-inwañ ono nnyin ebe ke Ikọ Abasi Obufa Ediomini. Ñkpọ-itie Mbom akada ono Christ.

Efiok mme Cherubim nte edade eno mme ubierikpe Abasi, sia mme oruk mbiet ñkpọ Heaven oro ebuade ye mme utom eke etiede ntre ke Ikọ Abasi. Eno nnyin ediye ndise mi. Mbet Abasi emi okodude ke Ekebe Ediomini, okoyom ete etiñ ubierikpe eno owo emi akabiatde mme item esie. Ke enyoñ Mbet oro ke ekenim mme cherubim emi ekedade eno ubierikpe oro. Edi Christ, Ñkpọ-itie Mbom ndiduk ke ufot, ama osuk ide ubierikpe oro. Se ediye

usuñ eke Abasi akadade ayarade ima Esie ye uduot-owo ke otu Nditọ Israel, ye nnyin nde, ke mme idiọño emi okodude ke Ata Edisana Ebiet.

Uduok-Mmọñ Edisana Spirit Ye Ikañ

Edi Ata Edisana Ebiet ada ata ñwọrọ-nda ndise ọsọk nnyin, kpa nte emi andiwet ñwed Mme Hebrew akakabarede. Enye owut nnyin ete ke itie-uwa okpoho ke okure akada ọnọ erifen, itie-uwa gold ke Edisana Ebiet akada ọnọ edinam-asana, Ata Edisana Ebiet emi Spirit ye iso Abasi okodude do kpukpru ini akada ọnọ uduok-mmọñ Edisana Spirit ye ikañ.

Utibe enọ mfọn emi, emi ekenọde ubon-owo ke akpa usen Pentecost emi eketienede mkpa Christ ke Calvary, edi ñwọrọ-nda idiọño me ñwọrọ-nda ñkpọ, ke ini Utom Mfọn emi, oro edi, eyo ufọk-Abasi. Uduok-mmọñ Edisana Spirit asaña ye “ubọñ” emi eketiñde enim ndisu ke ini Christ ama akakpa, emi mme anditiñ ntiñ-nnim ikọ ke idem mmọ ekenyenede udọñ eti-eti ndinyene, mme angel ñko ke Heaven ema enyuñ enyene udọñ ndikut (1 Peter 1:9-12). Edisana Spirit emi edi Iberedem emi Jesus ọkọdọhọde ete ke Imọ iyedọñ edi ke ini Enye ama ọkọdọk etiene Ete (John 16:7). Ikọnọhọ Enye kaña esọk mmọ emi ekedude ke mme ini Akani Ediom, koro ikeberkede kaña usuñ inim ndiduk Ata Edisana Ebiet (Mme Hebrew 9:8). Nte ededi, ke ini Jesus akakpade, ikpehe Itie-ukpono Abasi okonyuñ asiahade, ema esiak usuñ enim enọ kpukpru owo emi ekedide ndiduk uko-uko ke Ata Edisana Ebiet ke Spirit: emi edide ñwọrọ-nda ọyọhọ enọ-mfọn ita emi odude ke uduak erinyaña Abasi (Mme Hebrew 10:19-22).

Ewut nnyin ñko, nte akpatre, ete ke enyene ndinam nnyin isana mbemiso Edisana Spirit ekeme ndiduk ke esit nnyin nnyuñ nduñ ke uyọhọ Esie (Mme Hebrew 10:12-22; Mme Hebrew 2:11 nte edomode ye Utom Mme Apostle 2:1). Mme anditiñ ntiñ-nnim ikọ ke mme ini Akani Ediom eke di mmọ emi ekenamde esana (Isaiah 6:1-7), edi mmọ ikenyeneke uduok-mmọñ Edisana Spirit, koro nnyin imokut ite ke mmọ ema etiñ ebaña, enyuñ enyene udọñ ebaña enye, edi ikekemeke ndibọ koro mikọnọhọ edi kaña (1 Peter 1:9-12; Mme Hebrew 9:8).

Enọ nnyin item ete kubiati ini ndibe nduk ke Ata Edisana Ebiet (Mme Hebrew 10:22); ke ntre nnyin imekeme ndidọhọ ite ke enye idighe mbiet Heaven, nte ndusuk owo ekpepde, edi enye edi mbiet enọ emi ekemede ndinọ nnyin ke uwem emi. Otim ańwaña, ndien, nte ke emi edi kiet ke otu mme ñwọrọ-nda edinam ke Ñwed Abasi ndida owo usuñ nsim uyọhọ akpanikọ Abasi. Mi ke ñtọño edinam ke uduak Abasi ebiet kpukpru mme enọ-mfọn ita eke mme anditiene-Christ ke ini mfọn emi ekemede ndibọ.

“Eyak nnyin isaña ikpere ye esit akpanikọ ke ọyọhọ mbuotidem.” Eyak nnyin isọño imum ikọ eke idade iyarade idori-enyin ikama, mbak edibọhọ nnyin oyok.” Eyak nnyin itim ikpeme ikunyuñ isin “ndisop idem ọtọ kiet,” edi inọ kiet eken item ke usen ke usen ndisaña mkpere nnyuñ ntim mmehe ke ebuana ye Abasi nte ikutde ite ke usen eridi Christ ke ọsọp ekpere.

MME MBUME

1. Nso ñkpọ mbana ke ekeda ebana Ata Edisana Ebiet? Tiñ nte kiet-kiet eketiede.
2. Nso ke mme ñkpọ emi kiet-kiet ekebiet, ekenyuñ eda enọ?
3. Nso ikabahade ubet iba oro ke Ataya? Tiñ nte enye eketiede.
4. Nso ñkpọ ke Edisana Ebiet akada ọnọ?
5. Nso ke Ata Edisana Ebiet akada ọnọ?
6. Nso ikọnọ uńwana ke Ata Edisana Ebiet?
7. Ini ewe ke mbiet ñkpọ oro ekewutde ke Ata Edisana Ebiet ọkọwọrọ osu ke akpa ini?
8. Tiñ mme ini efen emi enye ọkọwọrọde osu, tutu osim usen mfin.
9. Didie ke etiñ enọ nnyin ke Ikọ Abasi ete ke enyene ndinam owo asana mbemiso enye ọbọ uduok-mmọñ Edisana Spirit?
10. Nso akwa ñkpọ-ntibe ikeberede usuñ inọ nnyin ndiduk ke Ata Edisana Ebiet ke Spirit?